

22 December. 2025

समे .18:15 Hrs

<><><><><><>

Headlines

- मुख्मन्त्री उमर अब्दुल्ला होरें जम्मू च इक कैबिनेट बैठक रक्खी, जेदे च उनें मुख्म-मुख्म प्रशासनिक ते विकास सरबन्धी मसलें दा जायजा लैता।
- जम्मू-कश्मीर सरकार नै गृह मंत्रालय दी कार्रवाइयें पर बनकदी टिप्पणियां देने लेई इक उच्चे स्तर दी समिति बनाई।
- विधानसभा अध्यक्ष अब्दुल रहीम राथर होरें आगा मुंतजिर मैहदी ते देवयानी राणा होरें गी बक्ख-बक्ख समितियों दे सदस्य दे तौर पर नामांकित कीता।
- डी.जी.पी नलिन प्रभात होरें क्रिकेट प्रतियोगिता दी कठुआ च शुरूआत कीती। उनें आखेआ जे बलें आसेआ आतंकवाद ते होर दुए अपराधें पर नेइमी तक्क रक्खी दी ऐ।
- मौसम विभाग नै अगले 7 दिनें दरान जम्मू खितते च दरम्याने दर्जे थमां घनी धुंध पौने दी पेशगोई कीती ऐ।

<><><><><><>

CM Cabinet Meet

मुख्मन्त्री उमर अब्दुल्ला होरें अज्ज जम्मू च इक कैबिनेट दी बैठक रक्खी जेदे च उनें बक्ख-बक्ख प्रशासनिक ते विकास सरबन्धी मसलें बारै गल्लबात कीती। सूत्रें जानकारी दिती ऐ जे इस बैठक च चला'रदी परियोजनाएं दा जायजा लैता गेआ ते सार्वजनिक हित ते प्रशासन सरबन्धी परियोजनाएं गी समेंबद्द ढंगै कन्नै मुकम्मल करने बारै बी गल्लबात कीती गेई। इस बैठक च बक्ख-बक्ख मैहकमे दे चला'रदे कम्में दा बी जायजा लैता गेआ ते जेडे कम्में च चिर लगा'रदा ऐ उन्दे लेई हीले बी कीते गए। कैबिनेट दी इस बैठक च जम्मू-कश्मीर दे बक्ख-बक्ख जिलें च औने आहली पैहलकदमियें लेई लोडचदी प्रशासनिक मंजूरी बारै बी सलाह कीती गेई।

<><><><><><>

JK Govt. Committee

जम्मू-कश्मीर सरकार नै 6 अक्तूबर 2025 गी केंद्री सचिवें कन्नै प्रधानमंत्री हुंदी गल्लबात थमां उत्पन्न होई दिएं कार्रवाइएं पर बनकदी टिप्पणियें गी अंतिम रूप देने लेई इक उच्च स्तरीय समिति बनाइ। एहू समिति नागरिकें लेई जीवन सखल्ला बनाने 2047 तोड़ी राश्ट्री लक्ष्यें गी प्राप्त करने च मौजूद कर्मियें दा जायजा लैने लेई समग्र सरकारी दृष्टिकोण अपनाने पर बक्ख-बक्ख विभागें दे विचारें गी संगठित करोग। एहू समिति राश्ट्र दृष्टिकोण दे अनुरूप समेंबद्द रोडमैप बी तयार करग ते दित्ते गेदे आदेशें दे मताबक इस समिति गी योजना विकास ते निगरानी विभाग यानि Planning Development and Ministry Department राएं सेवां प्रदान कीतियां जाडन।

<><><><><><>

Speaker-Nomination

जम्मू-कश्मीर विधानसभा दे अध्यक्ष अब्दुल रहीम राथर होरें बडगाम थमां विधायक आगा सईद मुतजिर मैहंदी होरें गी शेष कार्यकाल लेई नीतिशास्त्र समिति दे सदस्य दे रूप च नामांकित कीता ऐ। उनें नगरौटा हल्के थमां विधायक देवयानी राणा होरें गी बी शेष कार्यकाल आस्तै याचिका समिति दे सदस्य दे रूपै च नामांकित कीता ऐ। एहू नामांकन विधानसभा दी समितियों दे कम्मकाज गी रमानदारी आहले ढंगै सिर करोआने आस्तै कीते गए न।

<><><><><><>

G Ram G

आकाशवाणी जम्मू दे क्षेत्रीय समाचार एकांश आसेआ विकसित भारत रोजगार गरंटी ते आजीविका मिशन विकसित भारत जी राम जी कनून पर राती 8 बज्जियै 15 मिनटें दा विशेष कार्यक्रम प्रसारित कीता जाह्ग। इस कार्यक्रम च स्टाडे खास मेहमान होडन मन्ने परमन्ने दे पत्रकार अजात जम्वाल। उन्दे कन्नै गल्लबात करडन जगमोहन शर्मा। इस कार्यक्रम गी तुस आकाशवाणी समाचार जम्मू दे मीडियम वेव 303 मीटर यानि 990 किलोहर्ट्ज ते एफ.एम 103 मेगाहर्ट्ज पर सुनी सकदे ओ।

<><><><><><>

LG Dogri Diwas

जम्मू-कश्मीर दे उपराज्यपाल मनोज सिन्हा होरें लोकें गी डोगरी मानता दिवस दियां शुभकामनां दित्तियां न। अपने इक सोशल मीडिया पोस्ट च एल.जी होरें आखेआ जे डोगरी भाशा स्थाढी पंछान ते आत्मसम्मान दी प्रतीक ऐ। एहू ध्याडा असेंगी अपनी परम्पराएं, लोक कलाएं ते साहित्य गी कठेरने ते अगगे बधाने दी प्रेरणा दिंदा ऐ। आओ अस सारे मिलियै डोगरी भाशा दे संरक्षण ते प्रसार-प्रचार दा संकल्प लैचे। अज्ज डोगरी मानता दिवस मनाया जा'रदा ऐ। अज्जे दे गै दिन ब'रे 2003 च डोगरी भाशा गी भारती संविधान दी 8मीं सूचि च शामिल कीता गेआ हा। एहू ध्याडा डोगरी भाशा बोलने आहलें दी समृद्ध सांस्कृतिक, साहित्यिक ते भाशाई विरासत उप्पर लोऽ पांदा ऐ। डोगरी भाशा ते परम्पराएं गी बढ़ावा देने लेई अज्ज केई सारे सांस्कृतिक प्रोग्रामें, सेमीनारें ते साहित्यिक कार्यक्रमें दा सरिस्ता कीता जा'रदा ऐ। जम्मू च डोगरी मान्यता दिवस दे मौके पर परमेश्वरी केयर एंड क्योर चैरिटेबल ट्रस्ट आसेआ आयोजित कार्यक्रम च केंद्री राज्यमंत्री डॉ. जितेंद्र सिंह होर मुख परोहने हे। इस मौके पर डोगरी लिगेसी अवाडर्स बी प्रदान कीते गए। डोगरी मान्यता दिवस दे मौके कुपड प्रगालता च मुशायरे दा आयोजन कीता गेआ। इस मौके पर केई सारे कविएं इस मौके पर अपनियां रचनां पढ़ियां।

<><><><><><>

DGP-Cricket

पुलस महानिदेशक नलिन प्रभात होरें आक्खेआ जे आतंकवाद ते होर दुई चाल्ली दे अपराधें पर पुलस बल आसेआ सखत निगरानी रक्खी जा र दी ऐ। एहू गल्ल डीजीपी होरें पुलस शीहद मैमोरियल टी-20 क्रिकेट प्रतियोगिता दी शुरुआत करने मगरा आक्खी। एहू प्रतियोगिता कठुआ दे खेड मैदान च शुरू होई। इस मौके पर बोलदे होई डीजीपी होरें आक्खेआ जे एहू प्रतियोगिता छडी क्रिकेट दे बारे च नेई ऐ सगुआं एहू मुख्य दी राक्खी हिफाजत लेई बलें आसेआ दिते गेदे स्वोर्च्य बलिदान गी नमन करने ते उन्दे चेते च करोआई जा'रदी ऐ। उनें

Weather-Update

मौसम विभाग नै जम्मू-कश्मीर लेई तापमान सरबंधी ताजा जानकारी जारी कीती ऐ। विभाग मुजब अगले 7 दिनें दरान जम्मू खितते दे मैदानी इलाकें च बड़ी मती धुंध पेई सकदी ऐ। 23 थमां 29 दिसंबर तगर मौसम आमतौर पर बदलोखड़ा रौहग। 30 दिसंबर थमां पैहली जनवरी बश्कार मैदानी इलाकें च हल्की बरखा पौने ते उच्चियें धारें पर हल्की बर्फबारी होने दे असार ना। 2 जनवरी थमां 3 जनवरी बश्कार मौसम आमतौर पर बदलोखड़ा रौहग। मौसम बारै होर जानकारी दिंदे होई इक अधिकारी नै आखेआ

<><><><><><>

Vande Bharat

मुगल रोड उप्पर बरखा ते बर्फबारी होने करी ट्रैफिक रोकी गेदी ऐ जेदे करी कटड़ा-श्रीनगर वंदे भारत एक्सप्रेस ट्रेन उप्पर निर्भरता च बढौत्तरी होई गई ऐ। खराब मौसम च रेल कनेक्टिविटी पर निर्भरता इक महत्वपूर्ण विकल्प ऐ। रियासी जिले थमां दस्से गेदे दृश्यें थमां पता लगदा ऐ जे एहू ट्रेन चिनाब रेल पुल जेड़ा दुनिया दा सभनें शा उच्चा पुल ऐ ओह्दे उप्परां अराम कन्नै चलदी ऐ। स्टेशन सुप्रीटेंडेंट जुगल किशोर हुंदा आखना ऐ जे अगर इस रूट उप्पर ट्रेन दी मंग बढधी ऐ ते रेलवे विभाग होर अत्रेनां चलाने आस्तै बी तैयार ऐ। इस बारी पैहली दफा ऐ जे स्याले दे मौसम च इसलै कटड़ा थमां श्रीनगर तोड़ी रेल सेवा लगातार चला'रदी ऐ। इस बारै आकाशवाणी कन्नै गल्ल करदे होई स्टेशन सुप्रीटेंडेंट जुगल किशोर होरें आखेआ

<><><><><><>